

當陽縣志卷十五

列女志 下

烈婦

嗟乎結髮而稱未亡已不幸矣一旦惡氛驟迫
白刃縱橫或強暴突起於不意非禮見逼以孱
弱之軀抗摧折之凶雖號爲烈丈夫猶凜凜焉
當是時潔與汙直俄頃間事耳婦也慷慨奮起
拒之肉可糜名不可玷骨可碎心不可撓此則
極事之尤不幸然名益高心益白矣邑中烈婦

當陽縣志

卷十五

列女

烈婦

四十三

若而人皎皎焉與崑玉秋霜比潔彼鬚眉男子
覩忍求生者將自居何等哉感之作烈婦傳

明

蕭宗禹之妻龔氏庠生龔種德之妹也歸蕭甫半載
禹故氏矢以身殉不食七日死

栗春芳之妻劉氏歸栗生二子其次子升之甫七日
而芳故氏年二十六矢志柏舟及崇禎甲戌流賊陷
邑城氏抗節不屈與二子俱死

邑庠劉賢之妻鄭氏崇禎甲戌城陷賊欲脅之氏入

室舉火自焚侍婢奪其懷中子逃出不知所終賢亦死祀遂絕

邑庠汪若溶之妻張氏甲戌城陷罵賊死之

以上舊志

劉鴻儒之妻鄔氏明末流寇之難儒以鄉勇從督師楊昌嗣討賊賊入境訪儒室藝之氏抗節不屈遇害甚慘

國朝

庠生郭毓賢之妻陶氏甲申流賊之亂毓賢以身代父陷賊中氏伏叢葦間得免及聞夫去撫膺號泣曰當陽縣志

卷十五

列女

烈婦

四十四

我夫義士必死於賊尙冀生還乎沈水死詳見藝文郭氏合傳

林春報之妻汪氏及其弟春卉之妻任氏賦性幽貞素明禮教甲申流賊之亂娣姒同避河于蘆叢中爲賊所掠義不受辱路過深潭同躍入水死之賊歎息而去至今死處猶稱兩烈故蹟云
王明遠之妻馬氏爲強暴蕭某所侮氏力拒憤而死前邑令范廉其狀寘蕭於法事聞奉

旨旌以貞心炳日

趙師彥之妻王氏家貧勤於操作有強暴王某誘以金且逼之氏含憤投水死師彥鳴於官王某逮誅事聞乾隆四十二年奉

旨旌表建坊入祀節烈祠詳見藝文建坊序

李作材之妻高氏年十八于歸甫一載材故氏誓以身殉絕口不食七日家人強進以口漿旬餘歸甯蓬垢弗飾其父母慰之但泣不言夜靜投繯死以上續舊志

張程氏張鴻鑑之母嘉慶元年教匪陷城氏與其媳胡氏朱氏黃氏女席張氏闔門自縊子鴻鑑見忠節

當陽縣志

卷十五

列女

烈婦

四十五

傳女席張氏有傳

席位寬之妻張氏本節婦嘉慶丙辰之難氏適歸母家同母縊死十年詳奉旌表互詳前卷節婦傳

李杜之妻嚴氏杜故氏撫三子至成立嘉慶丙辰教匪入城氏令其子俱避去旋入室自縊其長子世珍之妻金氏次子世蘭之妻李氏同日仰藥死

楊國昌之妻馮氏節婦也居負郭與賊目楊啟瑞爲鄰嘉慶元年賊謀益露氏懼禍作徙城中避之及城陷閉門自縊其二子尙幼卒免於難

吳正風之妻李氏年二十五夫故氏矢志守節正氣凜然嘉慶元年教匪入城氏恐見辱以其子玉恆託其族長令避去閉門仰藥死時年三十一道光十年詳奉 旌表

楊昌祖之妻孫氏孫碩敏之女也乾隆三十一年歸楊嘉慶三年川匪擾河溶氏厲聲罵賊遇害甚慘咸豐十年詳奉 旌表

羅德新之妻聶氏邑庠聶子英之女歸羅年餘德新物故氏不食數日死子英哭之以詩曰千秋稱烈婦

當陽縣志

卷十五

列女

烈婦

四十六

一死作完人如此光門戶何須淚滿巾

鄧昌憲之妻李氏年二十三夫故氏誓以身殉既葬數日潛赴墓側自溺於水

孝婦

附

高士策之妻周氏于歸後克盡婦道姑病三載百藥罔效氏焚香默祝自割其股肉以奉姑病尋愈前邑令王爲題苦孝二字以表其門值歲歉復給米

以卹之

舊志載
節婦中

趙師槐之妻白氏事姑以孝聞姑陳氏年至九十一

氏左右奉養常夜起進膳數十年不倦卒年八十
一子啟瑄例職

庠生杜寶田之妻徐氏孝於事姑姑盧氏病甚湯藥
罔效氏割股肉以進病得愈然秘而不言也既卒
寶田哭而誄之邑庠徐中青李天保作詩以誌其
事

馮正舉之妻符氏姑病篤氏割其股肉和藥以進姑
得愈現年六十八

監生楊玉溪之妻劉氏性貞靜言笑不苟姑楊氏病

當陽縣志

卷十五

列女

孝婦

四十七

甚醫藥罔效氏默祝於神割股以愈姑後玉溪病
危氏復割股進之亦得愈其孝行出於至誠鄉里
以爲難現年四十四

王廣攀之妻李氏孝廉方正映蘭之子婦也千歸後
克盡婦道姑病割股以愈姑現年三十

貞烈

女未結褵而自誓守貞雖過高之行然聖人猶予之若衛共姜是已其有待字閨幃猝與賊遇懼辱身遽死之此其志節益峻矣雖以之刻茗華銘彤管可也茲邑靜女以貞烈著聞者不一其人豈非圖史之光哉亟登之庶久而益彰作貞烈傳

貞女

李絳邑人李愷之女幼字儒童楊昌慶未婚昌慶夭

當陽縣志

卷十五

列女

貞烈

四十八

女年十七聞之但飲泣念楊氏祀絕因適楊爲之立嗣毀容易服執喪甚哀其宅爲鄰火所延女撫棺號泣風返火滅聞者異之守貞數十年足不踰梱有遺宅值四百金捐其半以廣黌宮雲路乾隆中經儒學牒縣詳奉□□旌表

汪蘭英汪良構之女幼字傅經國之子啟立未婚而立天時女年十五守貞不再字固請歸傅執子婦禮傅故寒素其姑憐其少也將改字之女執不可卒成其志立從子潮甫爲啟立後前學使吳公倡置義田

詳見藝文碑記嘉慶十七年題奉 旌表時女年

七十有一計守貞已五十七年矣亡年未詳

黃二姑黃鈺之女守貞不字亡年四十八咸豐十一

年詳奉 旌表

郭大姑郭宗順之女性沉靜夙嫻姆教幼字儒童陳
文容將笄而容故女誓志守貞父母不能奪送歸陳
入門拜翁姑執子婦禮撫嗣子以奉陳祀子天撫孫
四以至成立數十年未嘗過戚家通慶弔即歸省亦
未嘗信宿母家晚年家益落衣食常不給躬親操作

當陽縣志 卷十五 列女 貞烈 四十九

辛苦備嘗道光六年沮漳汜濫夜溺於水明晨拯出
經時復蘇人以爲貞節之報計守貞五十七年卒年
七十有五前學使王公爲題松貞永茂以表其門咸
豐十一年題奉 旌表

王貞女王開道之女幼字節婦曹張氏之子邦珊女
年十三就養於曹曹母愛之若己出未婚而珊夭女
年十七不忍離其母也守貞不再字立嗣撫之咸豐
十一年詳奉 旌表時年五十七計守貞已四十

一年矣現存年數依
詳案清冊

彭貞女彭啟瑞之妹幼字汪汪遠遊不歸時女年及笄守貞不再字嘉慶五年其兄守卡陣亡女上事父母下撫兄子家事皆身任之及兄子成立事之如父亡年八十餘

烈女

郭二姑孝廉之都之女順治甲申歲流寇入境舉家避亂舟中女年十七爲賊所掠脅之以刃女泣且罵曰恨我爲弱女子不能殺賊言未竟賊刃其首奄奄兩日死詳見藝文志三烈合傳

當陽縣志

卷十五

列女

貞烈

五十

李姑李良忠之女嘉慶三年川匪入境舉家避難中途相失女年十八與母盧氏一嬸一嫂兩弟一從妹匿尙家岩山谷間賊搜得之以刃脅女欲載以去其母叱賊賊殺之女呼天大罵手石擊賊與諸人同遇害一弟創而復蘇歸述其變父兄收而殤之

賢母

孟母之賢弗可及也已即丸熊畫荻亦不數數
覲是何閨訓之有傳有不傳也夫必有令子而
後能顯揚其親子以母賢母亦以子賢矣爲人
子者可不勸哉茲沿舊志作賢母傳

廩生趙開祚之妻汪氏邑庠汪振新女明經州傳之
嫡母也幼精內則能誦毛詩註祚早亡遺子州傳氏
撫之不啻己出躬自課讀如塾師然稍長始令就外
傅弱冠游泮叨歲薦及氏沒傳每言及必涕泣學憲

當陽縣志

卷十五

列女

賢母

五十一

于爲題柏節松齡額以表之

邑庠熊健中之妻羅氏鄉介賓羅謹女明經紐壁之
母也年三十夫亡氏上事繼姑下育幼子擇師課讀
晚歸必親課之尤以安貧勵其子子經壁映鑣同食
廩餼氏日以課讀爲樂孫繩世亦髫年遊泮

張姚氏邑庠張大慶之母荆門貢生前臨淄令姚相
帝之孫女也識字解書蒙養諸子字畫必教以楷正
長就外傅偶歸省必促之赴塾宗黨賢之

廩生曹佩維之妻饒氏荆門進士饒應賢女孫也幼

嫺內則年三十患目疾主中饋精潔如常割肉未嘗
不正其長子入庠時維已亡氏戒以不與外事每朔
望焚香拜祖訖旁立令子孫庠拜垂老無間年五十
目復明卒年六十八

孫江氏廩生孫斯亨之祖母性慈惠好濟窮乏同里
有蔣姓者貧且病癱自投於水氏呼僕拯起飲食之
二年無德色其族姪孫亦病癱爲之延醫一載得愈
其善行類如此卒年八十

張曰旦之妻朱氏貢生開佐之母也家初貧氏事翁

當陽縣志

卷十五

列女

賢母

五十二

姑能先意承志教子力學聞子有名師友至則喜極
供盤餐常夜坐聽子孫誦讀獎勤警惰若嚴師焉卒
年八十二

曹佩綬之妻徐氏監生士焯之母也性儉素識大義
佩綬早世時焯尙幼氏治家勤苦教子有方七十後
猶夜績不輟卒年八十

以上續
舊志

邑庠高元燮之妻陳氏于歸後事姑維謹及燮卒氏
仍躬親操作訓子讀書至成立次子士純邑明經四
子士楷廩生敦品勵學無墜先型皆氏闡訓之力也

卒年八十

監生文璜之妻蕭氏邑庠子潤之母也性端嚴以勤儉治家次子步雲由邑庠貢成均皆闡訓所致卒年七十三

壽母 附

庠生曹之睿之妻靳氏性恭謹慈愛生子七人友愛無間癸未年氏年九十子孫拜祝長子年七十少亦五十餘孫二十曾孫四十餘元孫九五世同堂鄉里慕之卒年九十四

當陽縣志

卷十五

列女

壽母

五十三

曹項氏增生曹思慤之祖母性嚴肅門內整潔諸孫聞訓廸無敢怠者卒年九十三

莊昴明之妻胡氏生員莊士榜之母孝事舅姑生養死葬竭力治家義方教子卒年九十餘

以上續舊志

孝義馮天盛之妻劉氏 誥贈奉直大夫楚材之母也馮故貧氏勤於耕織艱苦備嘗中年家漸裕無何夫與子相繼沒氏撫兩孫至成立家事無鉅細必躬親之生平自奉儉約而周濟貧乏至老無吝色曾元繞膝五世同堂卒年九十二以次孫凌霄例職

誥贈宜人

邑人陳士元之妻楊氏忠義陳大有之母也嘉慶五年川匪竄楚境其子守卡宋家垵陣亡士元以憂死楊氏撫節婦熊氏孫光宗至成立初氏以哭子喪明既老愈康強卒年九十六

張楊氏維仕之母年十七夫故守節撫子至成立卒年九十八

邑仲賓杜宏文之室王氏性慈惠好施與課子孫讀書端品子德中監生次映蘭邑庠三映藻由廩貢候

當陽縣志

卷十五

列女

壽母

五十四

選教諭孫曾繼起循循有家法皆闡訓所致也卒年八十九

邑庠郭藩周之母程氏性慈而和勤於持家子孫日蕃衍卒年九十二

馮孝之妻王氏精一之祖母也勤儉持家慈惠待下既老猶勤紡績以故家漸裕孫曾繼起循循有法皆氏詒謀所致也現年九十四

當陽縣志卷十五終